

正一法文太上外籙儀

肆六

凡男女師皆立治所貴賤拜敬進止依科自往教之輕道明來學之重真其間小師未能立治履歷民間行化自効因緣整爾不拘大儀若街法求利不明正典傳非習謬速誤後生後生緣薄率爾遂易不尋高德苟貪受名名而無實望福得禍禍加考深宜慎之焉

五種女人受要籙

第一處女 凡處女在家隨父母教之從師受法父母為辭稱鄉居男女民生官姓名某年

歲某月日時生 荷道重恩得生子息息女某年某歲至心樂道雖是愚蒙庶有蒙進今歸師門乞賜成就依法操信奉辭以聞請受某籙修行如法伏願明師特垂允許謹辭疾厄皆依前儀

凡在家受法臨嫁啓師不在者同道高德章書奏聞須至夫某氏別更上聞凡入夫家告夫所受夫啓父母就師騰言改姓而已不須易文在家稱父姓適人稱夫姓第二出家女 凡女挺命不願適人啓告父

母出家學道或別立靖舍或投師門男師獨立不得受女弟子師若婦即號師母女弟子來得依師母無師母者別憑女師女師出家志業和念從師受籙辭信依科貧無信物師代出之辭稱父鄉居男民生官姓名息女某年歲某月日時生父亡稱母母取父姓母亡稱父及故男生某息女字先緣罪重生受女身尪弱愚頑不願出嫁在父母家無由得學今誓歸命仰憑師門盡力竭誠灑掃自効畢生續明朝夕香火不敢中悔無有退心依科辨信奉辭以聞唯願明師賜垂成就謹辭後悔有考無悔違法符破別有科

第三嫁婦 凡為人婦事勢多端或不欲嫁尊上逼之或為貴勢俗家迫取或待奉法或無所奉先所受者悉即還師師即申啓若夫奉道捐改本姓若未有受隨夫受之夫妻同師師脫速隔得就高德投辭如科夫鄉居男

生姓名妻某歲某月日時生幸藉宿緣得奉大道雖稟女弱得依道若高德甲乙之宗皆得云道門法門方竭丹誠陪執箕帚仰道延生讚揚妙化剋荷玄祐永充種人謹依法貴信奉辭以聞請

受某籙如說修唯願明師特賜垂允謹辭

第四寡婦 凡寡婦多種有結帶便寡舊不肯行或貧無人娶或病不能去尚有產業不還本家如此投師辭稱鄉居身故男姓名妻某歲某月日時生疊穢既深生受女弱出嫁夫某涉歷某年月年數隨實言之宿新罪重凶罰奪壽某夫塔以其年月日時捐背疾病某故暴殞喪亡街哀自咎不敢有怨迫恐亡者多愆殃延後人自願答積不保推遷雀鼠樂活憑道乞生希附師門濟度身命依法貴信奉辭以聞請受某籙果心如志唯願明師賜副飢渴謹辭

第五歸居女 凡嫁喪夫或犯七出或年命相剋致使離居不自存立還依本家憂急相纏歸命師門投辭稱父鄉居如處女若夫妻和美大義不絕特以塔亡單寡而歸後命過者還塔合葬如此依前寡婦儀但辭中英同隨宜消息

凡出嫁寡婦居三者後皆准婦儀其中辭狀

陳前說後吉凶備述不得全用

下人四夷受要錄

太平經云奴婢順從君主學善能賢免為善人良民良民善人學不止成賢人賢人學不止成聖人聖人學不止成道人道人學不止

成仙人仙人學不止成真人真人學不止成大神人大神人學不止成委悉神人此九品人上極入道道教愚下下人得學學依吾人

受錄如法稱君主鄉居男女民生官姓名私人某賜姓者得言姓年歲某月日時生家生

蠻貊狄獠隨實言之叩搏奉辭先緣罪深今生底下甘苦在心不敢有怨蟲草有幸得奉道門聞見善事誠欣誠躍某雖早頑謬知謹慎夙夜盡勤小心敢懈貪生願活伏事君郎承順大家仰希道祐乞以休息時治灑掃君

上賜與之物象分撰持換易香油給治淨舍今費法信請受符籙伏願明師賜垂哀遂謹辭四夷云某東西南北四方荒外或某州郡縣山川界內夷狄羌戎姓名今居某處改姓某易名某年歲某月日時生叩搏奉辭先因

醜惡生出邊荒不識禮法不知義方塵穢之中善根未絕某年月日時為某事隨某事得來中國聞見道科彌增喜躍舍悉願活憑真乞生依法費信奉辭以聞伏願明師特垂矜副謹辭

凡下人受錄之後別立白籍師為緘封三告上言皆得預會觀聽申今有功德者善人故之依良民也

受錄後三日謝恩章

受錄之後涉前三日假令十日受至十二是三日也詣師再拜三叩搏止又再拜跪信起請章章應自書之若未能者假手同法亦自拜奏又未能者師友代之代之者願呪發鑪出官操章復鑪出呪願悉依別儀受錄者於靖外隨師拜伏師出官稱此

錄生名教其叩齒咽炁若朋友奏者隨朋友同就位叩齒拜伏咽炁依朋友朋友示語言之

七十五進百五十錄謝恩章

具法位臣某誠惶誠恐稽首頓首再拜

上言謹案文書某年歲昔以樂化制屬諸君丈人道炁某好道樂神前詣天師某官祭酒姓名受某官七十五將軍錄積有年載某未有微功以報所受猥以今月某日係天師某治炁某考召費錄賜某官七十五將軍錄并前百五十將軍錄某被蒙大恩喜懼交集玄

施洪深誠自勸進謹拜章一通上詣天曹願垂矜省某蒙考召君吏速召君吏并某先所受某官七十五將軍錄吏兵營護者勤今謁為言功舉遷各加其秩如天曹常科

皆依錄謁署便曹隱職無令失意事訖各還官室如故某晚生後長希遭大化未知逆順宿新愆多今誓改往修來漸自精勤乞百前後所犯罪過一切昇舉原赦當令某自今以後所向金石為開水火為滅千鬼萬神盡為

伏諾所化者化所治者差被蒙大恩以勸未悟恩惟太上分別哀臣愚劣謹因二官直使正一功曹左右官使者陰陽神決吏科車亦符吏剛風騎置吏驛馬上章吏官各二人出操臣謹

為某等拜上某章一通上詣

三天某曹伏願告報臣某誠惶誠恐稽首頓首再拜以

聞

空三行

臣某屬

某宮焚修

空三行

年歲歲次某某是期某日某時某處某處某處禮拜上

空三行

可漏用全紙一幅為之

○太清元無上三天無極大道太清金闕玉皇陛下 靈臺聖德某某某某

內方面

謹 謹 上 詣

全虛無天官都司曹治某官

其章奏德符 某某 某某

外方面

謹 謹 上 詣

三天門下請進

其章奏德符 某某 某某

童子超受十誡及七十五將軍錄謝

恩章

上言謹案文書某年某歲月日時生幸藉餘

慶世崇大道過荷玄祐聞見正法奇方異術志願修行齡齒蒙雅未能受習曲奉師恩賜以超擢之榮開晦導昧引入日燭之路今月某日男女師姓名依科考召授某某官某料軍錄洪慈特被祇仰屏營驚欣踊躍謹拜章謝聞伏願

謝聞伏願

太上三天曹上官典者省覽所陳某蒙考召逮召某將軍吏兵真神正炁來某身中同心并力建德立功善業昇進剋成種人天官有功謁為舉遷各加其秩如天曹常科比署便曹隱職無令失意受功事訖各還本宮一如故事當令某心明意解動靜合真幽顯歸附以為効信恩惟

成人超受百五十將軍錄言功章

上言謹案文書某年某歲月日時生宿有善緣世奉大道

若新化云宿罪深重久事六天或違真信俗或無所事未結善緣得歸好道樂神至誠無已實希稍進敢願正一也超階不悟先因福厚今師恩深捨濁污之類班清雲之儔開以拔群之方處以不次之位

某月某日男女師姓名依科考召授某百五十將軍錄吏兵光顯天宮威嚴輔正滅邪幽顯敬伏豈某草蟲所可剋當不勝感荷屏營謹拜章謝聞伏願

三天曹特降垂省某考召君并所受將軍錄

吏兵營護有功今謁為言功舉遷各加其秩如天曹常科比署便曹隱職無令失意事訖各還宮室一如故事某未受錄之前僣罪犯過即日乞丐一切赦貫令某自今以後所向金石為開水火為滅千鬼萬神盡為伏諾所化者化所治者差被受大恩以勸未悟恩惟

進錄刺章

某州郡縣鄉里男女姓名年歲被某官召戶屬男女主者姓名治男女姓名

保舉

右牒男女生某前受禁官若干將軍吏兵錄奉法修真堪任進授今求遷署請某官若干將軍吏兵錄如法請給係天師某治炁祭酒臣某稽首再拜謹刺

上言如牒男女生某前受某官若干將軍吏兵錄奉法精修堪任進授今求遷署請某官若干將軍吏兵錄謹條行狀州郡縣鄉里姓名年紀所遷請將軍種數所屬天師主者并保舉人姓名如牒謹遣功曹使者考召君吏考覈內人審知情實某應良選及時當下內人元元須待拜署謁言上官謹以刺言臣某誠惶誠恐稽首再拜詣

考召

臣姓某

四君

上言謹案文書男女生姓名年歲前授某官若干將軍吏兵錄今遷署如干將軍錄所請吏兵種數昨入刺如牒須待拜署諸應下者及時所遷某官將軍吏兵營護內人有功一切還中官言功舉遷加秩等數如天曹常科比考召君吏所考事立下將軍吏兵付授內人隨逐覆蓋恩惟

太上云云

右進錄章刺章出官操復悉依前儀約執授

受亦如初法

凡先受後受同一師者後不須米薪唯紙筆等如舊異師各信不可虧凡受更令五年得進一將軍四年十將軍三年七十五將軍二年百五十將軍一年若志行庸愚無長進者悉又倍年三倍無功不知建德直置而已都不合遷其中聰明才智秀異功德超群不計年限

事錄行戒

事錄之法恒存其官憶識位次人數少多文武所主有急呼之文常佩身唯欲整脫若兼參滌自可脫之秘錄淨處勿令去失去失有罰依案科儀穿壞改易淨之如法夫妻同道非為淫穢帶之存之彌不可脫脫之為淫更增重考若入餘處凶喪之間危險鬼賊恒佩勿脫神入體中不存素上錄符在身存師在心帶之不捨以堅忠信若有喪產及行出觸穢皆即解除依太上秘教凡為道民便受護身符及三戒進五戒八戒然後受錄受錄之前未受者受錄之後依次

受之誦習通利恒存思行諸識不謬忘則犯

科未受錄時無所呼召受錄之後動靜呼神不行戒者呼之不至破戒之人吏兵遠身還上天曹考官便逮致諸厄疾公私災橫輒軻表否所作不成成功立德捨闇入明施善樣惡以吉除凶要在行戒神即祐之戒有別文精詳修習或有不解或有遺忘或有謬誤或冒禁故為或尊上逼迫或畏死犯之皆是愆招悉名破戒即應懺悔首謝自新大略如後消息施行

凡違戒者背負鞠言協道信邪雜事信俗此為不專中心懷二愚迷猶豫惑障纏深師三誨之必能改革守一不惑召神有効三誨不悛是為叛道乖逆師尊法應奪錄違真奉俗及無所事師慈愍之不追外責怨對事他棄本逐末雖名奉道實犯正科師移諸官不得容受積久知悔更立殊功乞還聽許依德昇遷若瞋恚委遁不輸錄符師勿苦求但移而已又外犯陽官死罪從刑即是負道皆應奪錄鞭笞罰章奏解之刑而枉者啓告勿奪

又內犯陰官師友諫喻苟作不從皆宜格奪
輕重詳量師朋評議令法取允幽顯貴知破
戒謬濫師資格同罪奪之後首悔立功隨宜
進署依科遵行去失錄者輸罰更受

凡失更令罰薪五束朱三兩飯賢三人皆中

失一將軍薪半車朱四兩飯賢五人失十將

軍薪一車朱五兩飯賢十人失七十五將軍

薪二車朱七兩飯賢五十人失百五十將軍

薪三車朱九兩飯賢百人失三官至百五十

將軍皆輸罰畢得受更令隨功進若有殊功

○吳德超復由師

凡輪罰後操辭送信皆如初

立功求進

凡能志學皆應從師如戒修行立功建德德

者五德也功者九功也

一曰仁好生神六惡殺二曰禮敬慎和柔十一三曰信

忠直不妄四曰義明斷無邪五曰智清正通

達一曰理元炁願念無形二曰理上天志存

大神三曰理下地守靜思真四曰理四時隨

順仙化五曰理五行宣揚大道六曰理陰陽

係續聖種七曰理文書讚弘道法八曰理草
穀攝延凡命九曰理財貨利下通上此九與
五具在經中諳識文字誥受口訣依案施行
堅固精進誓無退轉是為立功功被於外德
充於內內外雖殊功德合也有德立功聽求

進業辭隨時宜大略如左某州郡縣鄉里男

女生姓名年歲叩摺乞恩辭幸藉善緣崇奉

大法某年月日時蒙師若先以他師云蒙男

女師某州郡縣鄉里姓名賜授某官籙奉法

以來積如干年月依案旨訣遵行鞠言仗從

戒律不敢違負愚短未達犯或不知才力未

深修行未究思此慙忤寔忘寢食自揆庸品

簡悟未弘某年某月日起習某事從來至今

粗有効驗功微業淺不敢闕寧仰希寸進以

獎惡蔽謹贖科信冒辭以聞伏願明師賜垂

成就塵黷玄鑒追紙驚惶謹辭

太歲某某月日奉辭

五德九功各有經法法有內外學者兼行仁

禮信義智及諸理內祕在心外現在迹迹及

心術更牙受名金木火水土穀謂為六府正

德利用厚生謂為三事三事六府又號九功
道德仁義禮文武辯法此即九經九經之中
備有功德功德之名為善總稱總稱之中三
術為要隱形藏名遺榮是也內以心知外以
迹辯辯迹有事事即為業業在有為心存無

為為簡為素耳六棄指繁華期至無為也簡素之

迹始於身口終以檢心起修五德九功

五德

一者長齋乾蔬不食肥鮮放生救死平等一

心

二者供養三寶禮拜盡節承奉和順不生怠

慢

三者言語真實無有虛詐方便依法不損物

益已

四者辯是明非諮師問友布施平正斷決邪

疑

五者智慧精審所說依經經道無礙動靜會

道不自作一法違負幽明

九功

一者勸諸同志念身無為思身洞白委無

形

二者守形虛白若玉無瑕

三者積精內視數髮至足

四者思五藏神見與言語

五者念召體神使四時五行

六者醮六甲詳六八吏符刺地神

七者役使社稷山川衆神

八者習延精炁占說是非

九者呼鬼問以吉凶

右五德九功隨人所能能行之者總名為功

功者工也工者能也能救世者助國扶命益

物濟身幽顯有賞自六功至九其事多邪不

精持戒必陷魔群道之下品有此三階法甚

危險慎之乃佳佳者求進辭略言之

選賢薦德

師量弟子計功補過小愆可恕大德宜嘉凡

立功德五九相和九經三術各有所長修此

業者又有洪纖小弱卑微擬門驅使負薪汲

水隨力効勤中人侍衛拂拭左右灑掃庭內

端正香燭摩研點筆傳譯語言大者富貴勢

力讚揚聖化化惡為善導歸師門必此功勳

感動幽顯未敢求進師當薦之遷錄不依年

限隨次或超受兼自察前儀消息刺語若必

賢能堪執刀筆薦為書吏其文如左

某州群縣鄉里男女生姓名年歲字某某月

日生

右一人某年月日時從臣或師男女官祭酒

道士姓名受某官錄在治効勤涉如千年月

太玄都正一平炁係天師某治炁祭酒臣某

叩頭死罪再拜

上言謹案文書前狀某奉法精修弘道進德

立功勳欵宜蒙顯署已被仙官吏兵以自防

衛甚不以微賤貪生樂活願慕清化習學方

術書畫並精才識朗達求為書吏助時理炁

某自誓三年洗心試効臣案師法領戶十以

上署書吏一人五十戶以上署二人三百戶

以上署四人五百戶以上署八人千戶以上

署十二人二千戶以上依此為率臣某今領

戶如干依科應署書吏如干人識真者稀堪

事者少今搜索忠賢隨能署置前舉某鄉里

男女生姓名補任所闕未充或未有所舉於

事是須今請以某為一時有好道欲樂補者

來復續上願

太上諸君丈人天師君以道炁覆蓋臣某及

某身今在事日覺聰明心開意悟不使凡俗

所見仙訣臣某當與某併心盡力為太上驅

馳不致通懈省某情行自誓年滿堪為民主

當別騰言署為祭酒拜授之日自更刺章肉

人元元誠可哀愍願道炁歸流赦降愆咎臣

某不勝受恩謹拜章上聞願天曹典者科省

聽許思惟

太上云云

右署書吏章書吏對奏奏竟九拜而已前禮

請謝師如常書吏拜後三月言功准錄生儀

褒賞謙讓

書吏錄生慧解易悟骨炁合真自然有分先

習散炁散炁者童男童女諸問生炁不死之

方粗知終始便進散化散化一將軍錄稱散

炁童男童女祭酒十將軍錄稱散官保炁祭

酒七十五錄稱散官持炁祭酒百五十錄稱

晴炁祭酒皆行符勒水教訓萬民章表奏聞
濟生救死化得三人為一功三功為一勤三
勤為一勲勲者有德仍得署治內外星宿隨
次受之有勲德者師友褒賞其文如左
國號如千年太歲某某月朔日子係天師某
治炁祭酒姓名叩頭死罪敢言之

天師門下伏聞

大道應感化導善人先亦妙法秉法須才
者執法幹事功成思濟蒼生澤潤幽顯竊見
某州郡縣鄉里男女生姓名年歲字某稟性
淵深少明經術持戒精嚴處事平允剛而能
柔通而能斷風炁高朗人鬼所憚實宣化之
良才救時之俊士毀至不威譽來不欣幽既
獨善顯必兼通宜進真化以獎後賢且其在
任已經年所書局應遷親臨正化仰惟明師
善於信受冒獻丹誠言不人廢所貢翹勤伏
待嘉旨某叩頭叩頭死罪罪師教所舉唯
賢實允時務即命門下頃刻施行此教出後
謙讓如左
某錄男女生姓名惶恐言伏見男女生官姓

名褒文謬舉聖旨曲章祗奉驚慙心形飛越
某幸遭妙化恩溢生涯方思竭誠專修所忝
懼於負殿實敢希遷教許守分法開濟時謹
冒披丹理乖飾讓伏願尊慈特迴成命賜遂
愚歎息叨非換免忘寵之答全保寡之真蒙
斯載躍不敢塵嚴某誠惶誠恐叩頭叩頭死
罪死罪

太歲某某月日

師教敷化須賢待才甚渴宸議勿違宜寢謙
讓師之所命友之所推勞不敢憚逸不敢欣
苟有不堪志有所慕具得自陳辭一至三
得不多

過度散化章

某州郡縣鄉里男女姓名年歲若童男女父
母之若夫妻應同
受師不得偏也狀某稟性質直志合忠樸
心好長生行應端懇清虛共奮宜稟中真依
科漸昇請受散炁

某年月日男女生官姓名

右五人保舉
上言謹案文書臣以碩昧宣化無方雖思精
誠補益師老而愆多功薄恒懼危墜大慈含

弘賜全首領誓立微勤仰酬
皇極依法披賢宣和正炁右牒男女生官姓
名生長流浪之俗而能潔已守真願樂清玄
屬素通詣進問師法延生之方元元之情著
於丹亦求乞之勤感於影像臣以玄中至妙
道法所重愚俗守迷修奉者少某今專信情
在不移伏想

皇極當所思聞輒具告真言陰陽之施夫妻
二儀種民之要三五七九更相過度同出三
界逍遙三清謹為請陰陽生炁度道君吏九
炁丈人逮召君吏消災散禍解厄君將吏天
地水三官考召君將吏等一合下入某身中
經營內外辟除患害安魂定魄斷滅三蟲養
育玄根又遣臣所佩左右官使者陰陽神決
吏二人上詣

泰清仙都玉曆著某生錄削某死藉當令某
長生久視永為種民某以單衣一要為信乞
未奉道之前千罪萬過冷悉赦貫恩惟
太上如常中言攝臣為男女生姓名册上請
儀在別
官度散化章七度散化章用中法出官
儀在中

凡受散化具得治寫二十四卷習讀存思預中章驅使未備真炁不得為師

有愆悔謝

凡有愆罪招奪符籙或去失皆投辭悔謝大體如左

某州郡縣鄉里男女姓名年歲匍匐頓顙謝罪乞恩辭某以草苗謬遭大化乞垂慈育賜以生津某年月日蒙署某籙施行越科致招考隨某年月日時某事觸忤公私犯負

三尊師命門人招奪所佩某籙或某年月日時於某處某事去失所佩某籙從實言之責躬自咎殺身無補雀鼠願活冒乞更造之恩誓澆心腹希重蘇之澤改往修來不敢以前為比伏願玄慈特垂一開大宥賜使朽骨更肉獎勗已枯還冀謹冒依科輸罰如法曲蒙

愍恕萬沒猶生仰塵清嚴伏增汗悚謹辭

太歲某某月日時奉辭

師受辭後詳量輕重依科奏聞隨宜授署三失三愆不得重受殊功異德二十五年乃得受耳凡殊功異德不可勝言譽其大較觸類

準用其才智濟世文武匡時建立治舍宣揚玄風化惡還善執正除邪傾國倒家供養三寶遠略權謀誅鬼滅賊平定四方安寧杜稷救死濟生興隆道教盡力竭財積無退悔能如斯者是殊功異德也

受誹後無功

凡有過即謝不得逾時實時有過不得過卯若事趣逾時不得聞日三日不謝罰又倍之九日不謝謝不得原原在九日之內原後三日便應立功九日之內不能立功或愚頑早根不知自効或衰老貧病財力不充或童蒙未悟父母又凡不能代兒立績輸勤逆乃歷年直置勿署久久之後忽有殊功隨德次進明師量也

受誹後有功

凡受誹之後三日九日或悔謝有期期限畢訖輸罰如科依例得署不問小大皆從更令始有殊功者趣集隨宜凡有罪奪籙後原更受同去失之科輸罰飯賢不得致闕師取其先籙依法淨之去失格

奪首謝日周師為奏考章

失籙首謝乞恩遷考章未受治不得自遷考已受出官得自奏章也

上言謹案文書某州郡縣鄉里男女生姓名年歲某月日時生叩搏首罪乞恩辭素下官

子孫千載運會得隸道門奉屬

太上諸君丈人道法垂護以自保持蒙恩端正誠自勸進某昔以某年月日時詣師或天師某官姓名謝受某官將軍籙吏兵營衛稽年安隱某施行多違罪過山疊招延考罰非

意去失某年月日時於家或在某處遭公私逼迫水火盜賊依實言之不知所佩籙何在尋檢不得或恐燒沒凶人將去隨事言之依法自誹輸薪如千車設廚如干人以贖除罪過得受更令臣妾不勝見肉人元元謹為拜

章以聞願上官典者分別省理乞丐原赦某身千罪萬過宿新愆障一切蕩除依宗科制輸失伏罪首過乞恩得署九宮別當判請今先陳言

勅某自誓改往修來原罪除咎功行日新與

之更始保其慎終所失將軍吏兵致有考召
謁遠天曹各安官府無有恚恨恩惟太上云云

有治者失錄自遷考章

上言謹案文書某以凡微千載之會得在道
化効勤無績愆闕屢修彰上師家以自保持

蒙賜如干將軍錄內以治身外以治病得有
今日誠自歡慰豈是肉人所能負荷而奉修

不謹無狀多違招延考謫忽以其月日零失
所佩推尋追求不知所在某思過自責爰從

受錄以來實無功賞獎助之勤吏兵坐某致
有罪負繫在三官至今削奪零失所佩伏自

剋責追謝前愆歸命
大道乞一切之恩謹冒罪拜章謝聞上官典

者通行文曹赦千罪萬過某雖憑請高在化
日淺不知逆順今剋心蕩腸改惡修善乞原

往日之釁更錄將來之誠所求錄上將軍吏
兵遷還本職今依科輸誦布德道門恩惟

太上裁垂省察分別求哀
此失錄解考謝罪
章事託輸解更罰
自改也

輸罰未備遷考章

上言謹案文書某州郡縣鄉里男女生姓名
年歲妻息年歲叩頭自搏首罪乞恩辭列素

肉人頑愚無知貪生樂活以其年月日詣某
官祭酒姓名受某錄吏兵以自保持從來受

思身體強健肉人奉法懈怠防險不固以某
年月日行於某處忽然失去符錄思過責躬

累自首謝從道求哀比加賞慕四出尋博遂
失所在有罪頑愚觸壁致招深尤某年月日

時為某事犯違師法所佩某錄被奪悔謝剋
躬誓自改勵叩頭向臣求乞平省伏案師法

去失有罰罰後更署立功依科某失如干將
軍錄罰薪如干車飯賢如干人制罰責者以

肅其違值今災厄私門困苦敢緣
大道慈仁含弘每愍凡愚法有申延某失某

錄即應被罰但某童蒙加且女弱或又老年
不任樵伐未辦飯賢誓志為計展其立功求

乞哀怨臣輒愚情量儀準法使行送罰薪如
干車飯賢如干人以為微漸懼不上合伏用

悚息如蒙矜允所送薪及飯賢如干人共值
如干又詣治請受更令九官錄謹為上聞尋

頌白剋其飯賢如干人別剋良日於治施設
所餘薪及飯賢未具須實詣治解了解了之

後進受仙靈二官某自申明
太上天師洪澤大恩臣草苗小子不明大度

謹冒湯火拜章上聞願上官典者特垂矜省
原某愆失千罪萬過若有考召君吏為言功

舉遷加官益秩無令患恨恩惟
太上云云

送罰遷考後受九官剋
某州郡縣鄉里男女姓名年歲字某戶屬男

女主者姓名治男女生姓名保舉
右牒男女生某某年月日時從臣或男女官

祭酒姓名天師如干世男子孫張某受如干
將軍錄奉法違科致招考罰某年月日時於

某處為某事或無故不覺去失水火盜賊逼
奪隨事言之尋覓積日盡心竭力遂不能得

未測所在甘罪吞音不敢怨訴但蟲蟻願活
草苗貪生恐值年世百毒流行罪穢肉身無

所佩帶深懼遭罪命若畧刻仰緣
大道慈父聖母含弘曲濟開許自新某今改

往修來依科輸罰洗心欵到遷考乞恩請署
更令九官吏兵如法請給係天師某治杰祭
酒臣某稽首再拜謹刺

上言如牒男女生某前受某官錄罪考去失
今輸罰乞署謹條州郡縣鄉里姓名年紀所
屬主者保舉人名謹遣功曹使者考召君等
署正肉人審知識狀某應蒙原恕宜署九官
及時當下肉人元元須待拜署謁言上官謹
以刺言臣某誠惶誠恐稽首再拜詣如前

送署遷考後受九官章

上言謹案文書某州郡縣鄉里男女生姓名
年歲某年月日時生今住某處即日叩頭自
搏首罪乞恩辭其實凡微蟲草之末謀藉先
善叨廁人流良緣增長聞見正真前以慕化
制屬大法好道樂神願得久視某年月日時
詣天師某官祭酒姓名受仙靈若干將軍錄
積若干年無功罪積為考所逮某年月日失
所佩籙無狀所招比過自責推求不得其從
來實不自關啓諸有負坐跪君跪吏閉繫三
官願為原赦刑罪功賞時達還官復職各如

故事某以晚生遭化日淺未解逆順今當自
責出若干某物以自拔贖備錄科格某改往
修來乞丐原赦前後刑隨與之更始特蒙矜
愍即日署更令九官其特入刺如牒須待報
應拜授諸應下者及時營護肉人有功遷序
依天曹科比所考事立九官吏兵隨逐覆祐
滅罪興福道德日昇功業成就恩惟

太上云云

輸罰受錄後三日謝恩言功章

上言謹案文書某以無狀罪過委積以某月
日時忘失所佩如干將軍錄恩愆自責推求
不得從實關啓被蒙恩覆男女師姓名某月
日更賜拜署非肉人所可重招不勝喜悅拜
章以聞先跪君跪吏閉繫在三官者乞一切
之恩願為赦貸刑罪還官復職各如故事某
遭化日淺未知逆順今誓改往修來不敢以
先為比違負之愆特丐更始願從今以去金
石為開水火為滅所治者差所化者化以明
師道有信之効輒當勸示愚民不敢懈怠思
惟

神六

千四

太上云云

正一法文太上外籙儀